

ՊԱՎԼԻԿԱՆ ՀԱՄԱՅՆՔԻ ԿԱԶՄԱԿԵՐՊՈՒԹՅԱՆ ՀԱՐՑԻ ՇՈՒՐՋԸ

Հ. Մ. ԲԱՐԹԻԿՅԱՆ

Պավլիկյան շարժման ընթացքի, նրա գաղափարախոսության, ուրիշ աղանդավորական շարժումների վրա Արևելքում և Արևմուտքում նրա թողած ազդեցության, այդ շարժման վերաբերյալ մեզ հասած գրավոր աղբյուրների մասին կա հսկայական գրականություն, սակայն պավլիկյան համայնքի կազմակերպության հարցերին նվիրված և ոչ մի ուսումնասիրություն գոյություն չունի։ Դա հասկանալի է և բացատրելի, որովհետև այդ հարցի լուսաբանման համար շատ չնչին նյութ է մեզ հասել։ Ինչպես հայտնի է, պավլիկյան շարժման մասին մեզ հասած բոլոր հիշատակությունները պատկանում են աղանդավորներին թշնամի դասակարգերի հեղինակների գրչին, իսկ վերջիններս շատ քիչ էին հետաքրքրվում վերոհիշյալ հարցով։ Նրանք սահմանափակվում էին գլխավորապես շարժման ընթացքը և գաղափարախոսությունը ցույց տալով։ Սակայն նրանց աշխատությունների մեջ, այնուամենայնիվ, ցրված, առանձին ակնարկների ձևով մենք գտնում ենք, ճիշտ է շատ քիչ, բայց և շատ կարևոր նյութ՝ տվյալ հարցը որոշ չափով լուսաբանելու համար։ Մենք տվյալ դեպքում նկատի ունենք IX դարի բյուզանդական հեղինակ Պետրոս Սիկիլիացու «Պավլիկյանների պատմությունը»¹, ուր ժամանակագրական հերթականությամբ շարադրված է տվյալ շարժումը նրա սկզբնավորությունից մինչև 869 թվականը, և այդ «Պատմությունը» ամբողջությամբ այլ բառերով շարադրած պատրիարք Փոտի (820—891) «Պատմվածք մանիքեցիների վերածված մասին» վերնագիրը կրող գործը²։ Փոտի աշխատությունը պավլիկյան շարժման պատմությամբ զբաղվող նորագույն հեղինակները անտեսել են, ելնելով պարզապես այն սխալ ենթադրությունից, թե նա նոր բան ասել չէր կարող, քանի որ վերաշարադրում է Պետրոս Սիկիլիացու աշխատությունը։ Միակ փաստը, որ առհեղինակները դրական էին համարում այս աշխատության համար Պետրոս Սիկիլիացու «Պատմությունը» հետ համեմատած՝ այն էր, որ Փոտի մոտ ճիշտ է ցույց տրված աղանդապետ Սերգիոսի մահվան թվականը։ Սակայն այդպիսի մոտեցումը ճիշտ չէ։ Փոտը, իր բառերով շարադրելով Պետրոս Սիկիլիացու «Պատմությունը», այնուամենայնիվ, IX դարի դեպքերը շարադրելիս տալիս է նոր, արժեքավոր նյութ, թարմ տվյալներ, որոնց Պետրոս Սիկիլիացու աշխատության մեջ չենք հանդիպում։ Եվ դա հասկանալի է, եթե նկատի ունենանք այն փաստը, որ պատրիարք Փոտը IX դարի հեղինակ է և շարադրում է անձամբ։ Երևի տևած և իրեն քաջածանոթ դեպքերի պատմությունը³։

Պավլիկյան համայնքի կազմակերպության հարցի վրա լույս սփռող նյութը վերաբերում է գլխավորապես IX դարին, այն է՝ պավլիկյան շարժման ամենալայն տարածման և հզորացման ժամանակաշրջանին, բայց այդ տվյալները կարելի է տարածել նախորդ ժամանակաշրջանների վրա ևս։

Նախ և առաջ կանգ առնենք պավլիկյան շարժման ղեկավարի՝ աղանդապետի հարցի վրա։ Որպես կանոն աղանդապետը, այն է՝ պավլիկյան համայնքի զաղափարական ղեկավարը, բնորո-

¹ Petri Siculi, Historia utilis et refutatio atque eversio haereseos Manichaeorum qui et Pauliciani dicuntur, Migne, Patrologia graeca, t. 104.

² Photii, Patriarchae Constantinopolitani Narratio de Manichaeis recens repullulantibus, Migne, Patrologia graeca t. 102.

³ Պետր է ասել, որ եղել են մի շարք պատմաբաններ, գլխավորապես անցյալ դարի վերջին և այս դարի սկզբին, որոնք, ընդհանրապես, մեծ արժեք են տվել Փոտի աշխատությանը, այն համարելով սկզբնաղբյուր Պետրոս Սիկիլիացու «Պավլիկյանների պատմությունը»։ Բայց այդ պատմաբաններն էլ բոլորովին չէին հետաքրքրվում ներկա հոդվածում բարձրացված հարցերով։

վում էր մեկ հոգի: Սակայն աղբյուրները ցույց են տալիս, որ եղել են դեպքեր, երբ դժկամաբար պաշտոնում հանդես են եկել երկու հոգի: Դժբախտաբար, աղբյուրներն այդ մասին խոսում են այն դեպքերում միայն, երբ միաժամանակ հանդես եկած աղանդապետների միջև պայքար էր գնում: Սկզբնաղբյուրները ցույց են տալիս, որ պավլիկյան շարժումը գլխավորել են միաժամանակ երկու հոգի՝ առաջին անգամ VIII դարի առաջին կիսում, երբ պավլիկյան շարժման գլուխ են անցնում աղանդավորների նկատմամբ բյուզանդական Հուստինիանոս II կայսր կազմակերպած կոտորածից փրկված Պոդոս հայի երկու որդիները՝ Գեգնեսիոս—Տիմոթեոսը և Թեոդորոսը: Սրանց միջև գաղափարական հոգի վրա տեղի է ունեցել սուր պայքար, ինչպես կարելի է կուսակցական աղբյուրների աղոտ վկայություններից: Հաղթող է դուրս եկել, ամենայն հավանականությամբ, Գեգնեսիոսը և այնուհետև որպես աղանդապետ հիշատակվում է միայն նա, իսկ Թեոդորոսի մասին աղբյուրներում այլևս խոսք չկա:

Երկրորդ անգամ աղանդավորներին միաժամանակ երկու հոգի են գլխավորել IX դարի սկզբում: Այս անգամ պավլիկյան շարժման գաղափարական ղեկավարների դերում հանդես են գալիս Սերգիոսը (գործել է 831—835 թթ.) և Վահանը: Նրանց մասին խոսելիս՝ սկզբնաղբյուրները նույնպես մատնացույց են անում այդ երկուսի միջև տեղի ունեցող պայքարը, որից հաղթող է դուրս եկել Սերգիոսը:

Հարց է ծագում: Արդյոք կանոն էր, որ աղանդապետները ընտրվեին երկու հոգի: Պատժարար Փոտր ուղղակի գրում է, որ աղանդապետ Սերգիոսի մահից հետո աղանդավորները «աստվածամարտության ուսուցչի կոչումը չտվեցին մեկին կամ երկուսին»¹: Վերջին բառը բացակայում է Փոտրի աշխատության սկզբնաղբյուրի՝ Պետրոս Սիկիլիացու «Պատմության» մեջ: Չնայած Փոտրի ուղղակի ցուցմունքին, մենք գալիս ենք այն եզրակացության, որ պավլիկյան համայնքի գաղափարական ղեկավարի պաշտոնում ընտրվում էր մեկ հոգի, իսկ երկուսի հիշատակությունը բացատրվում է այն փաստով, որ պավլիկյան շարժումը միատարր շարժում չէր, և միաժամանակ գոյություն ունեցող երկու աղանդապետները գլխավորում էին նույն շարժման երկու տարբեր թևերը: Պավլիկյան շարժման մեջ թե՛ բաղադրիչ, թե՛ գլուխը հասնում էին բաղադրատարր զանգվածներ և հասկանալի է, որ այդ շարժումը չէր կարող միատարր լինել, որ անխուսափելի էր ներքին պայքարը: Այդ շատ հստակ կերպով երևաց IX դարի սկզբին՝ Սերգիոսի և Վահանի ժամանակ: Թեև աղբյուրները ուղղակի նշում են, որ հենց Սերգիոսը պավլիկյան շարժումը բաժանեց երկուսի, մի թևը գլխավորեց ինքը, իսկ մյուսը՝ Վահանը, բայց, ամենայն հավանականությամբ, այդ երկու հոսանքները նույն շարժման մեջ գոյություն են ունեցել առանց աղանդապետներից առաջ էլ: Յուրաքանչյուր աղանդապետ կատարի պայքար էր տանում որպեսզի հնարավորին չափ թուլացնի հակառակ թևը, իր կողմը գրավի նրա հետևորդներին: Պետրոս Սիկիլիացին հիշում է, որ Սերգիոսը՝ պայքարելով Վահանի դեմ, ջանում էր այդ միջոցով իր կողմը գրավել «ուղղափառ բրիստոնյաններին»²: Հասկանալի չէ, թե ինչու ուղղափառ բրիստոնյանները պետք է անցնեին Սերգիոսի կողմը, աղանդավոր դառնային, երբ պայքարը գնում էր Սերգիոսի և Վահանի միջև: Սակայն պատժարար Փոտրի մոտ ամեն ինչ պարզ է: Նա գրում է, որ աղանդապետ Սերգիոսը ջանում էր այդ պայքարի ժամանակ իր կողմը գրավել Վահանի հետևորդներին³: Պայքարը սերգիոսականների և վահանյանների միջև շարունակվում է առավել սրությամբ Սերգիոսի մահից (835) հետո էլ: Սկզբնաղբյուրների հիշատակությունների համաձայն Սերգիոսի հետևորդները կոտորում էին Վահանի հետևորդներին «կարծես նրանք սլավոնականներ լինեին» (οὗτοι σλαβωνικοὶ φανέμενοι)⁴: սերգիոսականները նրանց կոտորելով ուղում էին «իրենց վրայից վերացնել (վահանյանների պատճառով) իրենց կրած խաչատառակությունը»⁵:

Վերևում մենք ցույց տվեցինք, որ աղանդապետի պաշտոնը ընտրովի էր, սակայն պետք է նշել, որ նրա ընտրության գործում մասնակցում էին ոչ բոլոր աղանդավորները: Աղանդապետին ընտրում էր աղանդավորների ղեկավար կորիզը, որի անդամները կոչվում էին սինեկդեմոններ՝

¹ Photii, col. 81.

² Petri Siculi, col. 1300 B.

³ Photii, col. 73.

⁴ Նույն տեղում, col. 76.

⁵ Petri Siculi, col. 1300 D.

ուղեկիցներ¹։ Պետրոս Սիկիլիացու մոտ ընդհանրապես ասված է, որ սինեկղեմոսներն ու մնացած աղանդավոր ժողովուրդը Սերգիոսի մահից հետո ոչ մի աղանդապետ չընտրեցին։ Սակայն պատ-
րիարք Փոտի մոտ այդ փաստը ավելի հստակ է շարադրված։ Նա գրում է, որ Սերգիոսի մահից հետո սինեկղեմոսները «աստվածամարտության ուսուցչի կողմը չտվեցին մեկին կամ երկուսին, այլ գլխավորեցին մոլորված ժողովուրդը բոլորը՝ համահավասար իրավունքներով»²։

Սինեկղեմոսներին անմիջականորեն ենթարկվում էին, ինչպես ասում է Պետրոս Սիկիլիացին, «ավելի ցածր աստիճանի»³ և որոնք կոչվում էին նոտաբենտ։ Վերջիններս, ըստ պատրիարք Փոտի վկայության, նշանակվում էին սինեկղեմոսների կողմից (νотариους ετατρον⁴։ նոտար-
ներ, ինչպես և սինեկղեմոսների պարտականությունն էր պավլիկյան գաղափարների տարա-
ծումը և նրանց ճշգրիտ կիրառումը⁵։

Բացի սինեկղեմոսներից ու նոտարներից, աղանդապետը ուներ նաև աշակերտների մի խումբ, որոնք զբոսնում կոչվում են «աստատներ»⁶։ Պետրոս Սիկիլիացին նրանց համա-
րում է աղանդապետի, տվյալ պարագայում Սերգիոսի աշակերտները, իսկ պատրիարք Փոտը Սեր-
գիոսի աշակերտներից ամենաերեսները⁷։

Աստատների մասին մեզ հասած տեղեկությունները չնչին են, բայց եղածից էլ կարելի է հանգել այն եզրակացության, որ ի տարբերություն սինեկղեմոսների և նոտարների, որոնք զբաղվում էին գլխավորապես գաղափարական հարցերով, աստատները պավլիկյանների տար-
բեր համայնքներում թշնամու դեմ դիմված պայքարի կազմակերպողներն էին։ Սկզբնաղբյուր-
ներում հիշատակված է միայն այն փաստը, թե ինչպես աստատները կազմակերպում են Պոն-
տոսի Կինոխորոն բնակատեղի աղանդավորների դավադրությունը ընդդեմ Նեոկլեասի քա-
ղաքի բյուզանդական էքսարխոս Պարակնդակեսի, որը դավադիրների կողմից սպանվում է, և
ինչպես իրենք աստատները սպանում են Նեոկլեասի Կյուսկոպոս Թովմային։ Աստատների
կազմակերպած դավադրության երկու զոհերն էլ Արմենիական թեմում պավլիկյաններին կոտորելու
կայսերական հրամանի իրականացնողներն էին։

Այժմ կանգ առնենք մի շատ կարևոր հարցի վրա, որը պավլիկյան շարժման ուսումնասի-
րողների ուշադրությունից բոլորովին վրիպել է։ Դա պավլիկյան աղանդավորների գինված

¹ Սինեկղեմոս են անվանվում Գործք առաքելություն (ԺԹ, 30) Պողոս առաքյալի ուղե-
կիցները։ Պավլիկյանները, որոնք իրենց պաշտպանն էին համարում նշված առաքյալին,
իրենց աղանդապետներին Պողոս առաքյալի աշակերտների անունները տալուց բացի,
իրենց գեղավար կորիզի անվանումը ևս վերցրել էին առաքյալի թղթերից։

² Photii, ccl. 81.

³ Petri Siculi, col 1301 C. Այդպիսի բառ հունարեն լեզվում չկա։ Ուսումնասիրող-
ների մի մասը այդ համարել է μετρες (պիղծ) բառի խեղաթյուրված ձևը, իսկ ուրիշներն
էլ այդ բառի տակ հասկացել են μετρετες (ոչ սրբազան, ոչ քահանայական)։ Տեքստից
երևում է, որ այդ բառի տակ պետք է հասկանալ «եկեղեցական», «սոցիալական»։

⁴ Photii, col. 81.

⁵ Սերգիոսի սինեկղեմոսներից հիշատակված են ընդամենը վեց հոգի՝ Միքայելը,
Կանակարիսը, Հովհաննեսը, Թեոդոսոսը, Վասիլիոսը և Զոսիմոսը, թեև Պետրոս Սիկիլիա-
ցին ասում է, որ Սերգիոսն ուներ և ցատ ուրիշ սինեկղեմոսներ։

⁶ «Աստատ» ασπατος հունարեն նշանակում է տատանվող, անհետևողական, անկա-
յուն, մի վայրում չմնացող։ Եթե մենք այդ բառը համարենք հունարեն, ապա, ըստ երե-
վում լինի, պետք է որ վերջին նշանակությունը տանք, ինչպես ենթադրում է Կ. Ֆուլ-
բաշյանը, այն է, որ աստատ անունը կրող մարդիկ պավլիկյան գաղափարները տարածե-
լու համար մի վայրում չէին մնում, այլ ճանապարհորդում էին վայրից վայր։ Որքան
ինձ հայտնի է, հայազետ Կ. Տեր-Մկրտչյանը կասկած է հայտնել այդ բառի հունարեն լի-
նելու առթիվ։ Նա ենթադրում էր, որ «աստատներ» տակ պետք է հասկանալ հայկական
սկզբնաղբյուրներում հիշատակված Ծաղերին (տե՛ս Պաղիկեանի Բիզանդական կայսրու-
թեան մեջ և մերձաւոր հերձուածային երևոյթներ Հայաստանի մեջ, Երևան, 1938,
էջ 120)։ Ծաղերի մասին տե՛ս Н. Адонц, О происхождении армян-патов, Журнал Мини-
стерства Народного Просвещения, 1911, апрель, էջ 238—249)։ Սակայն գուցե այդ
բառին մոտենանք որպես հայերեն բառի և ենթադրենք, թե «աստատ» բառը աշտահայ-
տել է հայերեն «հաստատ», որից և «հաստատուն» իմաստը, որը նշանակում է հզոր, կա-
յուն, հավատարիմ, վստահելի։ Սերգիոսի մերձավորագույն աշակերտները իսկապես որ
այդպիսիք են եղել։

ուժերի հարցն է: Այս խնդրի վրա լույս է սփռում միայն պատրիարք Փոտի աշխատությունը: Պատրիարքը ցույց է տալիս, որ պապիկյանները, համենայն դեպս IX դարի սկզբից սկսած, ունեցել են կանոնավոր զինված ուժեր. որոնք գլխավորում էր ոչ թե աղանդապետը, ինչպես կարելի էր սպասել, այլ աղբ ուժերի ղեկավարը: Վերջինս Փոտի մոտ կոչվում է «զինված ուժերի արխանտ» (τῆς ὀπλιτικῆς δυνάμεως ἀρχων)¹: Նա, ինչպես երևում է Փոտի աշխատությունից, շատ մեծ ուժ ուներ և կարող էր մեծ դեր խաղալ պապիկյան համայնքի ներսում ծագած բազմաթիվ հարցերի լուծման գործում: Այսպես, «Մանիքեցիների վերածված մասին» աշխատությունը մեզ ցույց է տալիս, որ աղանդապետ Սերգիոսն ու նրա հետևորդները Վահանից ու վահանյաններից ուժեղ էին ոչ միայն իրենց թվական ղեռազանցությամբ, այլև գլխավորապես այն պատճառով, որ զինված ուժերի հրամանատարը «հավատքով» Սերգիոսին կողմնակից էր (ἐπερχόμενοι γὰρ ἡμεῖς Σεργίου τοῦ τοῦ πλεῖστος καὶ ὅτι τῆς ἐν αὐτοῖς ὀπλιτικῆς δυνάμεως ἡ ἀρχὴν τῆς δόξης παροτρύνει Σεργίου)²:

Այսպիսով, կարելի է դառնալ եղբայրացության, որ պապիկյան համայնքի գաղափարական և ռազմական ղեկավարության միջև գոյություն ուներ որոշակի սահմանազատում: Փոտի վերևում նշված վկայությունը միանգամայն արժանահավատ է և ոչ մի գեպրում ենթակա չէ կասկածի: Դա ցույց է տալիս պապիկյանների պատմության ընթացքը աղանդապետ Սերգիոսի մահից հետո ընկած ժամանակաշրջանում: Ըստ Պետրոս Սիկիլիացու տվյալների (հետևաբար և պատրիարք Փոտի), Սերգիոսի աշակերտներ իրենց ուսուցչի մահից հետո այլևս ոչ մի աղանդապետ չհռչակեցին, ինչպես աղբ ուժերի էր ունենում նախկինում աղանդապետի մահվանից հետո (μὲν δὲ οὐκ ὀμνῶντες ἀναρχοῦσθαι καὶ περὶ οἱ πρῶτοι)³: Սակայն Պետրոս Սիկիլիացին շարունակության մեջ գրում է, որ պապիկյան շարժումը այնուհետև գլխավորեց Կարբեասը⁴: Եթե չլինեք պատրիարք Փոտի ցուցմունքը պապիկյանների երկու գաղափարական և ռազմական ղեկավարների գոյության մասին, ապա պետք էր կամ սինեկղեմոսների՝ այլևս աղանդապետ չընտրելու որոշման փաստը համարել Պետրոս Սիկիլիացու հնարածը, կամ էլ Կարբեասի ընտրությունը դիտել իբրև սինեկղեմոսների ընդունած որոշման խախտում: Սակայն Փոտի հիշատակության շնորհիվ պարզ է դառնում Կարբեասի դերը: Նա պարզապես ռազմական ուժերի ղեկավարն էր (τῆς ὀπλιτικῆς δυνάμεως ἡ ἀρχὴ) և ոչ թե գաղափարական ղեկավար՝ աղանդապետ: Դա հաստատվում է Փոտի այլ տվյալներով ևս, որոնք բացակայում են Պետրոս Սիկիլիացու մոտ: Փոտի տվյալների համաձայն Կարբեասը միանգամայն անտարբեր էր հավատքի հարցերում (πιστιμὴν οὐδ' ἔχοντα πείρασιν)⁵, մի բան, որ ոչ մի գեպրում չէր կարելի ասել աղանդավորների գաղափարական ղեկավարի մասին: Նա պարզապես գլխավորում էր պապիկյանների զինված պայքարը Բյուզանդական կայսրության դեմ: Դրանով պետք է բացատրել և այն փաստը, որ անեծքի բանաձևերի մի քանի ժողովածուներում, բանաձևեր, որոնք բացարձակապես վերաբերում են աղանդավորների գաղափարախոսությանը, բացակայում են Կարբեասի և նրան հաջորդած Խրիստոփորի անունները, այն ժամանակ, երբ մնացած բոլոր աղանդապետների, այսինքն՝ գաղափարական ղեկավարների անունները մեկ անգամ էլ հիշատակված են և նշվել են թերևս ինքնակամ:

Փոտի մոտ հիշատակված է նաև մի կարևոր փաստ՝ աղանդավորների զինված ուժերի ղեկավարի ընտրության կարգի մասին: Ըստ նրա Կարբեասը ընտրվել է աղանդավոր ժողովրդի կողմից (αὐτοὶ οὖν τοῦ πλῆθους ἔξεσθη)⁶, այսինքն՝ ռազմական ղեկավարի ընտրության գործում

¹ Photii, col. 76.

² Նույն տեղում.

³ Petri Siculi, col. 1501 C.

⁴ Կարբեաս անունը հայերեն Կարապետ անվան փաղարշականն է (Կարպիս)՝ Բյուզանդական միջնադարյան էպոսում՝ Դիդենիս Ակրիտասում նա հանդես է գալիս Կարո(ես) ձևով: Նույն ակրիտյան ցիկլին վերաբերող մի երգում Կարբեասը հանդես է գալիս Կարաիբերիս անունով (տե՛ս H. Gregoire. Notes sur l'Épopée Byzantine. Une mention du héros Ankvlas et du Paulicien Karbeas dans un chant akritique, «Byzantion», t. XIII, 1938, fasc. I, էջ 251): Այստեղ մենք առաջին անգամ հանդիպում ենք Կարբեասի անվան լրիվ Կարապետ ձևին, թեպետ և որոշ հավելյալ խեղաթյուրված:

⁵ Photii, col. 8.

⁶ Հրատարակված են հետևյալ աշխատության մեջ. G. Ficker, Eine Sammlung von Abschwörungsformeln, «Zeit-schrift für Kirchengeschichte», Bd. XXVII, Gotha, 1906.

⁷ Photii, col. 81.

մասնակցում էին բոլոր աղանդավորները և ոչ միայն սինեկղեմոսները, որոնց էր պատկանում. ինչպես տեսանք, գաղափարական ղեկավարի ընտրության մենաշնորհը:

Այսպիսով, մեր ձեռքի տակ ունեցած նյութի խմբի վրա կարելի է անել հետևյալ բնութագրող եզրակացությունները:

Պավլիկյան համայնքի գլխին կանգնած էին սինեկղեմոսները կոլմից ընտրվող աղանդավորներ՝ աղանդավորների գաղափարական ղեկավարը, և ռազմական ուժերի ղեկավարը, որին ընտրում էին բոլոր աղանդավորները: Մենք չունենք այնպիսի փաստեր, որոնք ցույց տալին, որ ռազմական ուժերի ղեկավարը որևէ շափով կախյալ լիներ աղանդավորներից: Փաստերը ավելի շուտ ցույց են տալիս, որ ռազմական ուժերի ղեկավարը ենթակա չէր աղանդավորին: Աղանդավորին անմիջականորեն ենթարկվում էին սինեկղեմոսները, որոնք, ինչպես և վերջիններիս ենթակա նոտարները, զբաղվում էին գաղափարական հարցերով: Աղանդավորին էին ենթարկվում նաև աստատները, որոնք գլխավորապես աշխարհիկ հարցերով էին զբաղված:

К ВОПРОСУ ОБ ОРГАНИЗАЦИИ ПАВЛИКИАНСКОЙ ОБЩИНЫ

Р. М. БАРТИКЯН

(Р е з ю м е)

На основании «Полезной истории Манихеев» автора IX в. Петра Сицилийского и ее перефразировки, сделанной патриархом Фотием, выясняется ряд важных вопросов, касающихся организации павликианской общины. Во главе общины еретиков стояли два вождя — идеологический — ереснарх и военный, который назван Фотием «архонтом военных сил» еретиков, по всей вероятности не подчиняющийся ереснарху. Военный вождь, выбираемый всеми еретиками, играл большую роль в решении разных вопросов, возникающих в самом движении павликиан. Ереснарх выбирался подчиненными ему учениками — синекдемами. Ереснарху подчинялись также нотариусы, назначаемые синекдемами, которые, как и синекдемы, вели идеологическую работу. Светскими вопросами занимались другие ученики ереснарха, названные в источниках астатами.